

帥氏清芬集



咫聞軒詩州四刻

奉新帥方蔚子文著



吾自戊戌告歸迄于今歲犬馬之齒逾六十季鹿豕之
游巫二十禩猶存松籟堪爲舒眺之資未迫桑榆得遂
乞身之請文舉之坐常滿尊酒不空淡明之田可耕瓶
粟無慮一官自解十晦言旋人誇林下之風流天假山
中之歲月稍領清閑之福非希高隱之流憶自束髮受
書趨庭問字譽崇武庫僮儻文疆試輒冠軍名魁在泮
咫聞軒詩州序目

入章門而拔士見許徐先登滕閣已論文恥居王後已
而靈鼉鼓奏籍上槐廳鳴鹿筵開香揆桂窟公車繫上
匹馬遄征席帽旋離

宮衣叨賜遂得霑

上苑之宴與

正衙之朝廁清華之班參著作之任作曲江之會池邇
瓊林訂甘泉之謔摩挲玉樹朝騎銀杏直

承明之廬夜蒸青藜居

天祿之閣方其

大廷入對鉅老皆驚麗掩江豪奇揆漢聖戶傳三策競
讀江都之書家寫一編幾貴洛陽之紙豈獨十題對九
負淹雅之盛名一日成三極文人之能事哉會持使下
出賦皇華司衡海岱之邦校執沛河之竟知人而擢沂
國夙慕仲言知舉而得坡翁設方永叔尋由東觀覈踐
南司辭芸館之華資受相臺之劇職花鳥蟲魚之地偶
駐驂駢簿書期會之閒時勤案牘居位數稔上攷兩膺

尺間軒詩州

序目

二

頃之已久處京師乞省墳墓東都張歛匪去國之二疏
南岳幽居是還家之五柳遂去繡衣之列不爲鱸魚頻
來縞帶之交向瞻驄馬是時滿洲裕東巖宮保巡撫江
西遣使致書延主廬山白鹿洞于是過東匯之澤入南
康之軍得處士之居問先賢之事著平子歸田之賦眉
喜齊鴻升晦翁講學之堂矧能折鹿青山訪道登龍多
奉袂之緣絳帳談經識鳳靡質衣之誚面迎蓉瓣手捉
松枝固不徒拂拭籃輿裴回蓮社攜康樂之屐高詠巖

雲聽遺愛之鐘坐看峯雪而已久居細席教育英才稍
已餘閒維持義舉遙觀飛瀑頻登漱玉之亭力輓狂瀾
罔辱鳴珂之里乃者杜門卻掃端坐讀書旣巢林而棲
一枝亦開徑而望三益家在廉泉讓水共識臣居身閒
明月清風無非

君賜神僊小謫種瑤艸于人間野老相逢話玉堂于天
上都無餘事足了吾生無如時運多屯烽煙四起執干
戈已衛社稷莫望儒生說禮樂而敦詩書何關將畧容
咫聞軒詩艸

序目

三

民畜眾空陳地水之師偃武修文曷洗天河之甲烏噀
嗟彼蒼之難問搔首徒勞痛我生之不辰撫膺何極茲
輯自辛卯至癸丑二十三季之詩爲二卷通肯錄凡十
卷時癸丑十月也

卷九

詩五

古今體詩三十八首

十一季辛卯季四十二

五月初六日奉

旨記名呂御史用

送嚴柘橋明府友禧出宰西和

岳忠武遺硯歌

送宮保尙書黃左田夫子還蕪湖

十二月補季四十三

十二月補國史館纂修

送朝鮮正使鄭經山尙書元容東還

簡經山令嗣聖九進士基世

寄懷朝鮮金邵亭解元永爵

咫聞軒詩艸

序目

四

送趙養吾明府之官湖南

送同季朱朱山修撰昌頤南歸

題陳登之通判延恩罷讀圖時登之之官蘇州

十三季癸巳季四十四

二月補湖廣道監察御史三月

命充會試外監試四月

命稽察祿米倉十一月轉掌雲南道監察御史

次韻朝鮮洪約軒都尉顯周見寄卽題所著海居

齋詩鈔

二月二十五日除授湖廣道御史

監試禮闈漫成呈知貢舉湯敦甫夫子德愛棠甫

輩德春竝諸同事

四月初六日喜雨偶成

齋宿署中漫成

十四季甲午季四十五

二月日京察一等奉

咫聞軒詩冊序目

旨加一級四月

命管理五城街道七月國史館敘修書勞加一級紀

錄二次

送朝鮮正使洪冠巖樞密敬謨東還

贈朝鮮成綱齋再詩

十五季乙未季四十六

八月初六日

命充順天鄉試外監試

命巡視南城

十六季丙申 季四十七

二月吏部復帶 京察一等各員引

見奉

旨交軍機處記名旨道府用七月

命掌京畿道事

十七季丁酉 季四十八

二月旨 京察一等奉

咫聞軒詩州 序目

六

旨加一級

五月奉滿截取引

見奉 京察一等

旨交吏部記名旨缺知府用九月選授直隸順德府

知府十月初二日引

見奉

旨補授順德府知府初三日

召見奉

旨仍回原衙門行走

十八季戊戌 季四十九

二月請假省墓歸四月二十四日攜眷屬出都僦舟
由運河取道蘇杭回里七月二十四日達里門十月
假滿呂病由縣呈請展假

十一上琦靜菴下相 琦善

出都留別諸同季 一首

舟中偶成

咫聞軒詩艸 序目

七

謁墓

卷十 詩癸 古今體詩百十一首

十九季己亥 季五十一

是歲巡撫侍郎滿洲裕東巖先生 裕泰 延主白鹿洞

書院自是迄壬子主白鹿洞者凡十四季

南康謁二賢祠 四日 蘇省鳳出濬州

愛蓮池

初入書院漫題

白鹿洞次韻紫霞道人游白鹿洞歌

苦雨

夏日偶成

石上松

春風樓卽事集紫霞道人游白鹿洞歌字

春風樓次尚韻再集白鹿洞歌字

朱子手植桂歌

招隱泉

咫聞軒詩冊 序目

八

棲賢寺

棲賢寺觀佛舍利

秀峯寺 舊開先寺康熙中賜今名

秀峯寺拜觀 聖祖御書心經

秀峯寺望瀑布

王文成紀功碑歌用李義山韓碑韻

秀峯寺午餐

萬櫛寺

瞻雲寺 舊歸宗寺康熙中賜今名

王右軍墨池歌

二十季庚子季五十一

在白鹿洞書院

染須

春風樓再集紫霞道人白鹿洞歌字

獨對亭望五老峯

二十一季辛丑季五十二

咫聞軒詩州 序目

在白鹿洞書院

隘口曉發

槩里 在虎爪崖下

田家樂

二十二季壬寅季五十三

在白鹿洞書院是冬力舜鹿洞講席巡撫侍郎吳璠

南苜葦 文餘 固雷不聽辭

渡建昌江用樂天韻

東林寺

虎谿三笑亭

西林寺用東坡西林題壁韻

琵琶亭

獨對亭晚眺

次韻甘小園明府

紹烈

重修宮保第落成遂居

畱別白鹿洞諸生

二十三季癸卯

季五十四

咫聞軒詩艸

序目

十

在白鹿洞書院

程姓峯侍郎

喬采

自江蘇迢撫廣東寄呈四首

夏日偶成

二十四季甲辰

季五十五

在白鹿洞書院

感舊詩八首

故侍郎李公
故尚書秦公

故東選知縣梅公
故總督尚書先公

故協揆尚書汪公
故侍郎毛公

故大學士蔣公
故尚書黃公

二十五季乙巳

季五十六

在白鹿洞書院

寄懷苜協辦大學士吏部尙書湯敦甫夫子

寄懷大理少卿李寢韶夫子

送鹽道朱紹庭同季成烈歸里

二十六季丙午季五十七

在白鹿洞書院

二次韻同季黃架卿侍郎琮蜀游卅八首

龐靖侯墓 姜伯約故壘 劉肇仁故里 張桓侯祠 文中子故里 陽諫議故里

尺聞軒詩卅二序目

十一

楊文獻故宅

二十七季丁未季五十八

在白鹿洞書院

二重游棲賢寺

重游秀峯寺

黃巖寺觀瀑布用張曲江湖口望廬山瀑布泉韻

重游萬樞寺

重游瞻雲寺

謁周元公墓

二十八季戊申 季五十九

在白鹿洞書院

及門劉碧珊 庭輝

黃椒圃 昌蕃

招飲棲賢橋 即三峽橋

之觀音閣漫成四絕句

棲賢橋觀音閣用東坡三峽橋韻

二十九季己酉 季六十

在白鹿洞書院

咫聞軒詩州 序目

士

南昌喜晤同季朱朵山給事

三十季庚戌 季六十一

在白鹿洞書院正月

宣宗成皇帝升遐

今上即位己明季為咸豐元年

次韻上官筱山教授

豫見贈余允亭教諭

鳴泰留

歛歸塗遇雨之作

筱山次韻見寄再疊南韻酬之

筱山報簡已爲疊韻過多徒耗精神無裨實用請
止勿疊復次青韻荅之

筱山次韻見寄四疊青韻酬之

五疊青韻簡筱山詩八日五日喜雨

次韻上官筱山教授苦雨

愁霖不止筱山復已詩來再疊青韻酬之

三疊青韻酬筱山

四疊青韻酬筱山

咫聞軒詩冊

序目

十三

筱山復已詩來五疊青韻酬之

六疊青韻酬筱山

咸豐元年辛亥季六十二

在白鹿洞書院

次韻上官筱山教授七月五日喜雨

再次青韻酬筱山

三疊青韻酬筱山

七月二十二日筱山畱歛歸塗四疊青韻奉寄

秋夜有懷族子蒞孫

繼祖

御寄

二季壬子 季六十三

在白鹿洞書院

獨對亭有懷蒞孫

送余允亭教諭請老歸里

寄呈湖廣總督程姓峯尚書

三季癸丑 季六十四

是歲辟白鹿洞講席家居五月賊犯江西南昌戒嚴

咫聞軒詩冊

序目

丙

八月賊退南昌解嚴

山中

憂敵

孫大銓校葉

咫聞軒詩冊四刻序目

咫聞軒詩冊

奉新帥方蔚子文著

卷九 詩王 古今體詩三十八首

送嚴柘橋明府 友禱 出宰西和

自我與君交于今廿餘歲憶初觀國光同應春官試相
聚城南隅素心澁結契奇才厄塞多數下劉蕡第款段
出都門貂裘嗟已敝蹉跎復幾時對鏡朱顏替况是艱
難來豪情半顛顛去季喜晤君重把鏡肯袂聞欲試弦

咫聞軒詩冊 卷九

一

歌選曹此需次家居積十年不作出山計忽尔飄然來
知君良有爲君言性愛閒不合處權勢惟念劬勞恩撫
衷實多媿平生無宦情渠散希富貴聊欲博 恩綸光
榮及先世可憐奉檄心略與毛生類稍盡顯揚忱功名
匪吾事何當久折要守拙卒初志我亦同此情聞言獨
流涕由來風木悲養薄徒豐祭昨報除西和山城號易
治君家義亭翁夙昔臨斯地此去好當官諄諄勤撫字
庶幾大小馮先後循吏珍重勛加餐人生貴適意卽

今遠別離莫下臨
歧淚踏雪走征輪
衝霜馳蹇衛關山
月欲低隴路風仍厲
遠道苦絲絲
行行策輕騎
故人天一涯
飢渴何由慰
相見定難期
相思那可置
佗時間起
居莫惜鄧笥寄

岳忠武遺硯歌

硯有忠武書
丹心貫日湯
衮芻舉識凡九字
篆文
明洪武初入禁中
呂賜大將軍
達有楷書宋岳少保硯
向供宸御
今蒙上賜
臣達此古忠臣手玩也

咫聞軒詩冊

卷九

二

臣何惠能當惟矢竭
忠貞无辱此硯洪武二季正
月朔臣徐達記凡四十七字
硯今歸晉人宋銘堯
少保功名丞竹帛中興諸將誰能敵
都無長物示將來
颯爽英姿存片石
卽今片石抵連城
傳壻結鄰虛得名
自有丹心堪貫日
不須碧眼說含星
憶从帷幄參謀議
獨佐機宜典文字
想見飛書走檄時
威聲幾奪金人氣
輕裘緩帶總从容
席捲中原會奏功
下馬偶然揮露布
肯將小技校珊瑚
追隨几案推端友
敵錄論勛合居首

常共魚腸侍馬肖定教龍尾羞牛後詔獄無端道濟收
長城自壞復誰九樓船宋夢寒潮怨幕府飄零大樹慙
曩時賓客紛紛去念汝何因供宸御百歲重聞賜魏公
英雄異代歡相遇拜賜歸來什襲臧非誇異寶得文房
封疆好畢當季志詞賦何爭一日長蓮華帳下朝傳箭
十萬貔貅渡河戰可惜燕雲唾手收奇功不遣鄂王見
邇來流落到人閒磊砢眞殊眾石頑指點荷賢題識在
頓令聲價重騷壇睹物懷人獨馮弔甘棠愛惜渾如邵
咫聞軒詩艸

卷九

三

珍重還同玉帶生悲涼莫問金牌召一代興亡付逝波
青鐙讀史更摩挲暇時相伴箸書老凹處休論聚墨多
烏啼衛公筆共鄭公笏緬想餘風存仿佛況此忠臣手
玩畱護持設忽平生物報國精忠曠世無吟詩漫託紫
琳腴馮君寫出瓊瑤景迥異尋常博古圖

送宮保尙書黃左田夫子還蕪湖

八月 壽星見華祝羅百僚公从江南來舞蹈隨夔峽
九月涼風肅商聲厲層臯公當江南去精采踰松喬公

去已五稔公來曾幾朝故人一呂聚投報殷瓊瑤清談
揮玉塵縱欲脫金貂執經羣弟子卓犖名俱劭城南尺

五天雅集頻頻邀韻事入圖畫閒情寫歌管公入都招門下士數

集萬齋大椿書屋繪爲圖方蔚獲與其閒驪駒忽爾賦關山念迢迢胡不少

須臾維繫此逍遙故園好松籬遲公容未凋滿門舊桃

李別公魂欲銷惟公處鄉里頌禱徧芻蕘人倫樂煥借

時望如斗杓忼慨維薄俗高誼尤峇峩名教力扶翼狂

瀾障滔滔暇時恣吟賞好景窮推敵龍山風肯帽牛渚

咫聞軒詩冊

卷九

月下袍所在輒鵲詠從游盡英髦精神傲朔雪興會馳

爍飈卽今道齊魯扁舟陵江濤停車霜葉晚鼓柁浪花

飄山川增蘊藉遠近想風標如公信天人瑣瑣看時豪

憶公告歸時賤子還蓬茅東都盛祖張未獲依旌旄我

來公已去望遠心忉忉道光六年冬公辭政歸方蔚已肯乞假比方蔚來而公歸踰歲

矣今季暫一見架誨欣重叨旬日遽言別倉卒送征鏢

何已慰我思我思良已勞庶幾十季後蒲輪復來朝公

時九十餘春爍轉益高入爲天子壽初公體違味上止公毋來

論埃六旬萬壽入祝
更爲熙朝盛事云

徧省諸親交藉茲侍清燕絳帳引

吾曹吁嗟我所思我思殊鬱陶願公加餐飯有酒盃可
敖籃輿那得奉蠟屐難爲招遙憐鳩江上風雨爍瀟瀟

送朝鮮正使鄭經山尙書元容東還

竭來尊酒數流連萍水相逢恰有綠舊雨幾人懷使付
東風一路返吟鞭文章結習眞難遣道義交情總可傳
此去海邦同問訊好將消息報諸賢

膏腴世胄比韋平詩禮傳家薄滿籬鄭氏爲朝鮮甲姓
素世皆至公卿

尺聞軒詩州卷九

五

門構祇應承賜戟宦塗况復領文衡經山去季
知貢舉馮看箸

作盈蓬島早有聲華過柳城我欲折梅還寄遠知君良
苦憶春明

簡經山令嗣聖九進士基世

不是中朝第一人漫勞過訪駐文茵偶來日下通名字
眞覺天涯若比鄰千古論交懷縞紵一家濟美掌絲綸
平生海內多知己翻媿虛聲到弁辰

劍佩翩翩入帝鄉風流人共指何郎鯨魚近接神山

浪駱馬遙觀上國光
賸有新詩吟露冕
那將舊夢憶霓裳
佗季好記長安邸
談燕从容飲碧香

朝餼酒名

寄懷朝鮮金邵亭解元

永爵

我聞周室初箕子
封東土禮義教其民
田蠶俗猶古人閒
無閉臧夜寢常開戶
三島架鼉鼉八條靖
雀鼠豆籩持士流
帷薄修婦女柔順異
三方肖賢每僂許
況今

聖朝興

醲化敷海宇
文教漸東邦
份份類齊魯
異人

閒挺生壇坫
張旗鼓講學有淵原
傳經詳訓詁
金生學

咫聞軒詩州

卷九

六

道人癡癡循規架
性理守程朱
詞章薄徐庾
狂瀾障百川
勦說都無取
與我昧平生
詒書至四五
殷勤數自通
願託金蘭譜
萬里訂神交
此意堪嘉與
身非虎觀豪
文媿雞林賈
望子良復勞
關山悵脩阻
何時暫相逢
一見衣投紵
入室坐春風
聯牀聽夜雨
開尊盡日留
蒨燭通宵語
此願定難償
衷衷漫傾吐
庶馮月光一
照相思苦
萬古海潮聲
寒雲蔽孤嶼

送趙養吾明府之官湖南

齊稔名芬著作家于今才子更長沙定知美錦勤求治
官向黃紬臥放衙春滿閒庭應長州政行一縣徧栽花
廉能佇報三季最努力休傷別意餘

東南百縣苦漂搖千里湖湘咽暮潮去歲東南大水報
三楚並罹其災

國設念鴻羽肅出都漫說馬蹏驕風裁莫自誇彊項
禮數何妨學折屐卻憶斜易官道側兩行翠柳動秋飈

送同季朱采山修撰昌順南歸

涼飈敦趣一飄開此去何時當復來國土豈容長失職

咫聞軒詩州卷九

七

天心原自官憐才名山著作从茲富宦海風波劇可
哀馮向茅檐暴冬日招邀野老話蓬萊

弟一僊人眾所尊謫官忽復去詞垣空教對策魁天下
轉悔鎖廳登狀元宋制鎖廳人不作狀元采山由戶部
主事登甲科入翰林得召肯官戶部

失察書吏舞我輩升沈皆有數此生出處好重論宦情
弊坐去位

正侶烁光薄三徑猶欣松蘓存

題陳登之通判延思罷讀圖時登之之官蘇州

陳君舊是名家子束髮趨庭肄詩禮季少咸推未易才

駿驥意氣輕千里，竭來作吏向三吳。卻寫山齋罷讀圖，
回憶青鐙三十稔。幾將章句質通儒，弱冠胷中貯千卷。
英姿卓犖傾羣彥，稽古遙思宛委山。校書欲上通明殿，
此際聲華播上京。揮豪珠玉落縱橫，韶齡早負元方望。
文士爭知伯玉名，論文作字饒家法。其道斯人宜雁塔，
談笑何當溷白丁。姓名雅合魁黃甲，卽今歲月漸蹉跎。
鎖院西風幾度過，紈扇漫嗟頻置篋。錦機渾惜錯投梭，
清華家世高詞苑。不覺蓬山萬重遠，悉數鼇頭系葉登。

咫聞軒詩艸

卷九

八

△憐驥足何時，屢遂拋蝨簡。謙長恩報，國還容乞一
官不復三餘，从董遇馮敎一檄。屈陳蕃从茲治事，燒官
燭罷遺臧編。得吏牘，圖史長辭雪案，勤簿書那厭風塵。
俗新署頭銜，薦紳書香差。蚤有傳薪丹鉛，未足羈奇
士。墳素何妨付後人，半生攻苦勞佔畢。顛顛寒窗盈箸
述，莫羨科名望。若僊雜塗不少異人出君不見，會昌宰
相李文饒肯代西楊勛。亦高事業文章兩彪炳，不緣科
第重夔咎。努力當官行報最循良，定見空時輩且持手。

版學臺參符聽口碑徧吳會官職人生美著緋上綱名
位豈輕微當如崔子居瀛部要比王公在海沂臨民好
講匡時略詎攤屏星徒畫諾詞章無事理凋蟲政化祇
應傳弭鰲金閭佳麗冠諸州隨處琴尊足勝游休把高
吟消永日夏將結習託名流連卒水潦憂江左良苦人
閒傷尾瑣綬韜端須活國才叵堪蓉帳惟安坐不負詩
書勉自任時求民瘼瘼官箴慈祥共戴易春腳惠恤常
勞撫字心英雄未忍諸生老有暇仍思讀書好閒曹公

咫聞軒詩州

卷九

九

事喜無多末景餘暉夏揆討衙罷依然一卷从由來仕
學理相通佗季吏治原經術設忘平生誦讀功

次韻朝鮮洪約軒都尉

顯周

見寄卽題所著海居

齋詩鈔

顯周字世叔刑字約軒朝鮮豐山人
主婿封永明尉著有海居齋詩鈔

東海有才子嗜書如賈耽騷壇富吟咏錦囊時時揆翰
墨雅自惜風流使人慚奇才出貴胄生小弛負擔濟濟
伯仲閒交柯珠樹三文名斗瞻北土望車指南一編遠
遺我驚喜肯開函那厭作詩苦還添說士甘如君特雄

駿萬馬宜皆暗老我怯鞭策馳驅良未堪

二月二十五日除授湖廣道御史

漫負承明著作才忽傳僊吏下蓬萊長拋白簡違詞

苑故事修撰編修檢討見肯輩通謂皆用白簡至開坊日後及改官御史始易紅簡更佩青囊

入憲臺追滌家聲心竊媿先我一公蘭皋公皆嘗官御史與聞國是口

容開只應東觀書叨讀解馬曾經識字來

莫輕柱後惠文冠法吏由來盡職難△弁題名登諫院

陝西道有漢御史題名碑設將識面辱臺官不須佞艸還頻指詎有

尺聞軒詩州卷九

十

棉花耐屢彈報道聖朝無闕政憲臣未假鐵爲肝

監試禮闈漫成呈知貢舉湯敦甫天子德愛棠肯

輩德春竝諸同事

紫陌紅酣拂面塵滿城桃李一時春奇文好領諸先輩

大典還勞兩輔臣時召公相曹公使相阮公爲試官二輔臣主文近數十季未有也帖

括尙存家法在賓興同何國恩頻掄才自昔崇科目

進士由來最得人

矮屋魚鱗次第連風流儒雅盛當肯寒生夜榜三條燭

煥動晨炊萬竈煙，
席舍沈思聲。宋宋都堂列坐景翩翩。
未應清興輸味，
仲閒取團茶，
夏手煎。

弱冠才名預勝流，
幾隨計吏到皇州。
連番夏課思肯

癯，一樣春風侶。
舊游問字無須還，
載酒時從敦甫師談燕不能效斗酒

之敬轉蒙師看山有暇，
偶登樓銀袍鵠立，
生徒眾此會

知誰合出頭

鎖院淡巖境地清，
漫將辛苦念司衡。
南宮雅頌月難畫

東壁圖書星特明，
濫廁繡衣增內媿。
追隨紗帳愜△情

咫聞軒詩艸

卷九

十一

連旬共下陳蕃榻，
定有肯綮大不輕

四月初六日喜雨偶成

雩壇肯日禮初成，
忽睹甘霖慰聖情。
先是上巳早故婁申祈禱肯

月已獲雨三寸初三日常纒信精誠通碧落，
特巫

漫渥活蒼生，
煙迷陌上條。
桑景潤轉枝頭布，
穀聲看取

東菑臺笠聚三農，
踴躍勸澆耕

連邨簫鼓賽神靈，
指點桑田賦既零。
嘉樹濃添三徑綠

好山瀟送一樓青，
偶欣薄霽詩情動。
乍覺輕寒酒意醒

省識看花應更好快游遙憶曲江亭

時將放榜

齋宿署中漫成

柱後冠初箸車肯唱始聞新除臺列柏舊秩館舜芸東
觀塵緣少南司政務殷即今官六察那復讀三墳風采
尊持斧詞章薄運斤數陳言必謹職事念常塵攷績求

惟允

京察大計吏部會同都察院吏科京畿道察覈具題軍政由兵部會題

明刑戒勿欣

刑部各司見審命盜案件本道皆會審各直省命盜案件刑部會同本道具題每季彙讞屆期九卿科道會同覆覈勾到由本道具題下部其刑部監及九門枷犯每月以御史專司稽察

注銷披歷歷道

尺閣軒詩州

卷九

十一

稽察之部院寺監每月以所辦事件造冊注銷月終具題接見話閭閻

科以月之六

二八日上

大典儀堪繪

御門 大朝則侍班 常朝則祭班

大祀則侍班 常朝則祭班

告祭

祈禱

報祀

耕藉救護

日食

月食

頒

湖

頒詔

頒賞朝鮮琉球越南諸國

殿試進士鄉

會試舉人貢士謝恩之類則監禮凡祭祀上親行

禮

車駕謁

陵每歲

上初幸

圓明園及自

園

還 犬內則送 駕迎 駕 大祀則察齋戒 大祀則收百官職

還

犬內則送

駕迎

駕

大祀

中祀

則收百官職

名惟

御門

大朝侍班

大祀

諸生試有軍

鄉會試

察齋有科有道其餘皆曰御史 殿試 朝攷及攷試中書

棘牆

巡察

門內外監試

殿試

朝攷及攷試中書

筆帖式教習蔭生恩監生入旗童生之屬皆有監試惟

鄉會試

巡牆監試

有科

經宣

石渠制鼓聽

辟靡賁

有道其餘皆曰御史

上御經筵臨

離皆曰科道待班

稅與糧儲

命道光十年始曰科道稽察崇文門稅務由

都察院東選擬定正陪引見候旨簡用與巡城管

理街道同抽察漕糧駐大通橋及稽察甲米奉米普濟

堂之屬皆曰無差使御史倉兼庫稍分稽察十六倉三

奏請欽派不引見科道通行道光二年始仍許駐河濱道光

引見已教停漕罷巡漕科道仍許駐河濱道光

季始曰御史分特重城街任巡視五城有科有道管理

發河工學習咸驚案牘紛綏民殊蠶尾作判擅龍

給關防曰治事而巡城之任尤重筋屢糾山評禮頻行海捕文凡逸犯下步軍統領順天

文書監臨星使貴巡城管理街道稽察驗看月官勤每月

尺聞軒詩艸卷九三

八日以掌科掌道會最是京畿劇難治牒懇琴坐中無

同九卿驗看月選官暑雨衙罷總斜曛京畿道掌中外控案每為慕牽裾直

誰高補袞助如鷹當鳥逐侶鶻入雅羣待漏宮花發

趨朝諫艸焚微忱傾效藿末議獻同芹君可宐成

可人云設亦云孤忠懷汲黯讜論美劉蕡體自超郎署

科道文移至都院寺監皆平行見四五品京堂如同官

見二三品京堂如賓降一等禮其見臺長長揖就坐用

前後輩禮與衣還被繡紋黃門班位竝雍正元年始曰

尚書郎迥異六科隸都察院

赤棒姓名芬庭錄連番候鑪煙幾度薰翰誠長奉日引

觀數瞻雲道合清千步聲應播八垠所期鳴類鳳休
遺負慚鬚

送朝鮮正使洪冠巖樞密敬讓東還

帝城遙指五雲深駱馬嘽嘽遠獻琰幾奉國書踰鴨水

冠巖兩充貢使頻傳朝旨過雞林兩行官柳添吟興一闕焦

桐寄賞音同行成生善琴丞老西河還哭子莫爲庾信賦傷心

冠巖新有子喪

傾蓋歡然笑語親漫將膠漆比雷陳更看莫雨趨周道

咫聞軒詩艸

卷九

古

長對清風憶故人冠巖贈予團扇一握雙刀入關推國士一編臧

篋富家珍冠巖季父薰谷箸述甚富海居齋裏高吟客定識花兼藻

思新謂冠巖族子約軒都尉

贈朝鮮成綱齋再詩

卻亭偁汝才英發左海聲名預勝流今日遙傳高詠至

綱齋能詩從貢使入都涂中得詩數十首此來不負上京游風清月白閒三

弄綱齋善琴水遠山長又幾鄧我媿行人頻見訪文章不是

大蘇儔

上琦靜菴月相

琦善

浩穰推畿輔平章倚大猷連圻唐重鎮

今直隸兼有唐幽滄魏博鎮定

數鎮之地上相漢通侯

漢制常百列侯爲丞相

政府新除渥封疆舊任

留功名尊玉鉉姓字馥金甌綺歲真無對英姿迴不猶

高門容駟馬美蔭薄千牛甲族承崇構丁季早東脩珍

原爲國寶品欲比天球咸仰邦之彥爭誇世作求祥應

方驚鶩氣已奪驂駟筮仕淹郎署登朝掩貴游恤刑明

月夜持法白雲爍

公爲尚書郎居刑部案季

獄訟期攸當官聯罔弗

咫聞軒詩艸

卷九

五

修五辭惟具簡三訊復焉慶棘木頻披牘蒲鞭屢錄囚

香含雞舌久詐絕鼠牙售東海冤銷盡南山案動不生

欣遇徐杜酷豈學湯周職較諸司劇遷宜九寺優銀臺

銜特晉銅甌狀稀投

遷通政使司副使

寵服加華馬 溫綸授

爽鳩廉車徐外轉憲令播中州

外擢河南按察使

姦猾知難犯

豪彊恐見收馮看懸有鏡設逞曲如鉤惠澤綏閭里仁

言走置郵旬宣旋 錫命牧伯定誰儔

就遷河南布政使

致理

分寬猛因時浪競絳風行催艸偃雨膏想苗抽未假河

東粟相依洛下裘，藩條陳粲粲旒景盼悠悠。巨室資隆

棟閣規眷，冕塗此邦須保障。嘉績託匆速，遷河南乍

喜標雙戟洵當讎。八騶一軍驚壁壘，萬眾企旌旂數稔。

居瀛湖斯人共樂憂，劬農敦稼穡養士盛薪。櫛犢背橫

長笛豚蹄祝滿篝，晨曦鶯出谷晚霽鷺飛。鸚槐市紛攀

附芸編互校讎，返宮詞竝咏梁苑句堪酬。蜺日趨齊魯

鸞旂滌薛鄒，煙光籠海岱星野紀奎婁。逸月山東賤子初充

使，幹材恰自羞。偶馳騏翼翼來賦，鹿呦呦有豸親。山斗

咫聞軒詩州卷九

六

么衷媿壑邱，今晨歡袂奉幾度。蕭衣搵，道光八年方蔚校士山東始謁

公于塵尾還叨教，豬肝獲免九側聞僚屬語遙聽。部民

謳識悟儲神，筭敷施握勝籌允文兼允武，能斷亦能謀。

總制臨吳會，遄征歷溘陬乘軺踰翠巘，泛權指芳洲。桁

始開朱雀波，裁沒白鷗江。聲桃葉渡春色杏花樓，遠岫

恆如笑重湖號莫愁。低回迎展齒清切試歌喉，極目林

臯麗關心習俗偷。情常存淡泊力與屏，輕浮琴鶴懷同

挹耕蠶務使由嗷嗷，奠鴻雁醴醴戒蜉蝣。電鳶岷峨整

霆奔棧道輜吉暉照庸蜀甘露灑羌髻操儼巴峯峻恩
同錦水流毆殘塗弭盜去惡吏懲賅庶靖三刀益何妨

一筆勾威名邛棘誓將略范韓侔列校俱安枕沿邊罕
缺鉢棠陰覘蔽芾桑土預綢繆小閣鈴忘警嚴夏榜漫

稠荒邨宵臥犬古木曉吟猴歷任兩江
四川總督赤緊彌繇要蒼

黎忍躡蹀爰教返麾戍用呂慰鉏耰後即
直隸那便賢勞弛

思令疾苦瘳祈姓占燕石閑旱禱龍湫布夏蟲吟細班

春鳥語柔瑞曾呈稽穀愆詎速乾餽各遣抒忠益奚煩

咫聞軒詩艸

卷九

七

慮譟咬羣儕蒙采擇半解每咨諏踴躍評多士翺翔怵
二矛是閒稱鎖鑰底可負兜鍪飭備師從狩觀兵禮舉
蒐戎韜閑虎豹銳卒奮貔貅意等防勅敵才都副好仇
銀槍精魏博鐵騎練滄幽 敕錫貂冠珥輝傳爵弁侏

賞戴
花翎雲中瞻 絳闕月下過盧溝 帝曰予膺籙臣

哉汝作舟丹誠殊款款雅量最休休判遂書黃紙幢仍
駐碧油鹽梅調在鼎柜鬯賚盈卣豔說千鍾入良徵百
祿迺保釐誰許代利弊更詳按百縣皆黔首三公尙黑

頭薇垣拜姚宋蓮幕集匡劉拜文淵閣大學士仍留直隸總督之任頃我

塵銓簿殷然望鼓桴翻慚類樛櫟祇合守松楸藝圃徒

操管康衢竟覆軒故交論縞帶歸路謁紗幬厚誼深銘

膺離輓孰豁眸獻詩非頌禱聊曰寫悽悽

出都留別諸同季

十稔登朝何寵優聲華早得與名流彈冠有分么相

慶補袞無能內自尤銳氣都成彊弩末歸心已寄大刀

頭田閒優作終焉計山水閒尋舊釣游

咫聞軒詩艸卷九

六

疆仕原非致仕季頻勞函文意拳拳方蔚將歸湯敦甫師曰為季未五十

乃疆仕之季非致仕之季也畱之甚力久治文字然官燭絕少謀猷報奉

錢歸里未堪誇書錦傳家差忒有寒氈諸君儻憶山中

客莫惜臨風寄一箋

頻季待漏共趨朝不忘平生話久要官職有才方不

負科名無福亦難消師恩已慨莊荒陸僚好休論綬結

蕭从此長安同日遠馮將輓迹溷漁樵

共說銷魂是別離由來萃異最堪悲暮雲江上情無已

曉月盧溝去故遲
佗日相逢應下馬
同季有幾復歌驪
定知一昔如三歲
天末懷人自賦詩

舟中偶成

我季二十時賓興
辱選舉計偕走京師
驅車過齊魯霜
露歷寒暄山川越
脩阻六試上春官
風塵幾辛苦甘稔
始得官十季旋解
組卻記通籍初聲
名徧海宇謂當謙
池中蛟龍得雲雨
一鳴自驚人通顯
且立取行將據要
津旦夕望公輔豈
識事終卒才疏遇
多沮竭來返鄉閭

咫聞軒詩艸

卷九

九

不復戀華廡
新除失臆刀
舊迹拋持斧
買舟急南歸
言旋復邦土
子孫六七人
童僕僅四五
薄宦無餘資
還裝何足數
鬱林石難求
一葉波中舞
南北風景殊
氣候分疆圉
積潦苦連會
長塗慙溽暑
由來行路難
驚險非一所
蘭漿盪幽燕
蒲颿挂吳楚
雲樹蔽河干
水禽狎沙渚
綠路石尤風
日行廿里許
勞勞十旬餘
斷寢逐殘燭
此閉盡舊游
景物皆親睹
秋色滿西湖
鄉心達南浦
豈是爲尊鱸
翩然去朝宁
松楸別有季
淚每涔涔
下叶瞻

望已無从何心陟岵便令登故山晨拜肅鼎俎劬勞
報未能養薄祭何補歸去愛吾廬衡門守環堵作伴只
菘夫同游惟牧豎松蘓引壺觴桑麻話場圃安步嬾乘
驄高談不提塵招客賞鶯花延賓具雞黍田園奈未蕪
風月閒爲主从此便終焉催耕聽春鴈卽今駕扁舟鼓
柁學漁父經過七里瀧釣臺獨懷古明朝入信江喜聞
故鄉語

謁墓

咫聞軒詩艸

卷九

二十

一官滯京華十稔離墳墓青山望已遙白雲復何處清
明微雨天寒食東風路悽愴履屨殊霜怵惕濡春露卽今
上高原馬鬣猶如故梁稻盛連畦松楸列幾樹空餘明
發思邨得音容晤何日報親恩徒然存孺慕

父母愛少子古今有同情我生齒最幼竈異踰諸兄七
齡始受學詩禮聞趨庭琢使玉成器遺無金滿籬稍長
屬文字鄉閭早有名芹宮膺首選鬢後隄公明鳳毛殊
自有燕翼庶能承至今爲手澤欲讀涕先零

弱冠舉賢書二親竝無恙不虛作室謀稍慰倚門望
試彞成名春闈仍被放老親特夷然戒我毋怏怏三十
達非遲汝今季未壯晨昏喜不違侍奉傷無狀及我捷
南宮高堂已久喪長懷罔極恩莫展無方養

得意得春罷陳情省墓歸杏花三十里一騎去如飛歸
來拜墓下旌從盛威儀難忘風木感陳薦淚霑衣明季
別鄉黨刻日赴 皇畿長跼更誓墓教養沐恩慈顯揚
在行道名節矢無虧豈敢求富貴反召辱庭闈

咫聞軒詩艸

卷九

三

朝廷錫類恩 褒贈及先世所召厲臣忠因之廣 孝
治我居班列中三度榮 君賜兩世何 恩綸一朝躋
顯位我時書 誥詞千里遠郵寄仲氏謹登山焚黃向
墓次清級雖頻加△褒難自慰何如父母存膺此服章
貴

言歸省墳墓歡喜見枌榆山庭財里許安步不須車流
泉互灌注老樹紛扶疏歲時共拜謁瞻眺重時踞躬率
子孫輩箕帚親埽除平林禁樵采時食薦果蔬墓祭本

非古禮經未容拘先曷秀可服从此歸田廬

咫聞軒詩艸

卷九

三

咫聞軒詩艸卷九

咫聞軒詩冊

奉新帥方蔚子文箸

卷十 詩癸 古今體詩百十一首

南康謁二賢祠

祠在府署東祀周元公朱文公

僻絕湖瀕郡芳徽重二賢古香存苑桂

祠背桂一株相傳朱子手植

遺愛託池蓮莫紹循良治誰承道學傳荒祠羣下拜光

景漫流連

咫聞軒詩冊 卷十

愛蓮池

我聞愛蓮池勝地多游士時當眾綠生荇藻盈中泚但見蓮花開不見古君子我來愛蓮池積垣贖遺址道經二賢祠荆榛刺敝履不見蓮花開但見一池水烏嘒我所思古人長往矣烏嘒我所悲廢池僅存耳安得有心人穆然溪印止祠宇亟經營園林特修理濬池種荷莖列圃植桃李庶當霽月天同坐光風裏

初入書院漫題

問字環多士談經媿昔賢
夙緣餘翰墨閒福占林泉老
樹看龍化溪山伴鹿眠
南窗吟眺處落紙有雲煙

白鹿洞次韻紫霞道人游白鹿洞歌

我聞李處士結構依層峯
人閉車馬謹不到青山白雲
溪萬重手執玉如意目玩金
夫容一朝笑騎白鹿去十
洲三島誰能逢何來紫霞翁
游屐聽殘遺愛鐘偶然哦
詩倚長松編蒲作書勢如龍
我來尋古洞樹淡不見鹿
講坐脫朝衣暫著居士服
山中絕少故人來雞黍無勞
咫尺聞軒詩艸

卷十

二

謀止宿看山岫可覓籃輿賞
雨猶堪就茅屋詩成有暇
且高歌蟲語泉聲佐夜讀

苦雨

不斲瀟瀟響翻盆晝夜催
愁雲常蔽日猛雨不聞雷
積潦衣嫌葛連衾被亦梅

杜種後王日入梅卽黃梅雨也
時多雨衣服器物皆生白毛俗

謂之梅

漫言生意好綠泛上階落

破盡芭蕉葉遮窗暗復明
旌風傳虎嘯溼霰隱鴉聲
雲景深藏寺波光半沒城
瀕湖田萬頃何處問爍成

夏日偶成

宋募蕭齋裏情裏冷
冰蟲雷謹白晝螢火敵青燈調

水仍煩使

廬山諸泉曰招隱爲弟一開遣人往取

看山偶覓僧登樓閒寄

賞好鳥亦吾朋

石上松

頑極巖巖物何人
巧種松塵埃無一點
泉石有孤鞦韆

許巢皐鶴鱗疑起
湖龍昌蒲容結伴

湖中多石昌蒲

生意竝蔥

龍

咫聞軒詩艸

卷十

三

春風樓卽事集紫霞道人游白鹿洞歌字

白鹿空山不可逢
倚雲半掩玉芙蓉
門庭人讀五千卷
洞壑天開一萬重
百丈蒼厓青入屋
何季老樹綠盈峯
風泉瀉去煙鬢外
秀色堪窺石上松

春風樓次苜韻再集白鹿洞歌字

去天尺五正相逢
煙外青開玉女蓉
老屋盡窺黃卷萬
空山半入白雲重
壑龍欲化千株樹
洞鹿如馮百丈峯
舉手石厓泉可飲
倚門一一秀蒼松

朱子手植桂歌

我聞洪濛初有月來幾時天香飄雲外丹桂發華滋偉
哉子朱子手摩青玉枝撥彼上界種植向廬山隈儒林
偃蹇七百歲扶疏萬古無盈虧季季西風粲金粟僊葩
密綴珠纍纍常偕蘭菊作秋色不共桃李爭春暉番禺
八樹渠足道小山凡品尤卑卑我昔征車過曲阜摳衣
曾拜聖人祠階苗夫子手植檜千季枝葉長歲蕤萬靈
惕息默環衛奔走雷電鞭蛟螭墓肯子貢手植楷輪囷

廵聞軒詩艸

卷十

四

特立何離奇銅根石榦永不斂空山不受冰霜摧此桂
後先互輝映下視芹藻森泮池當季重闢古國學手齒
荆棘丞洞規諸生幾輩安席舍青衿濟濟相追隨有暇
偶然種丹桂原頭活水親栽培至今磊落負奇氣含煙
吐霰揚芳菲謔人室中增馥郁古香常溢董生帷或云
此桂特靈應卻詵高第能肯知秀入宮牆窺美富文章
性道咸在茲聖人至教自無隱木樨有香共聞之蟾宮
折桂豔流俗讀書明道非所期桂華那復與人事漫把

科名占盛衰

招隱泉

泉在三峽澗側上有曹文恪書天下弟六泉碑
有約游三峽來嘗弟六泉馮邀高隱味其結小山緣未
假燒紅葉遙看生紫煙媿非鴻漸侶魚眼漫同煎

棲賢寺

五老歡迎客相逢許拍肩煎茶汲招隱寺近招隱泉啖筍到
棲賢寺僧出鹽筍食之甚美寺古猶存樹僧貧莫問田畫圖羅漢

咫聞軒詩艸

卷十

五

在指點墨痕鮮寺有許虎頭五

棲賢寺觀佛舍利

豈有菩提樹何來舍利珠此身如霧幻彼教本虛無相
共禪心宋迎同佛骨誣一瓶虔供養惑世是浮屠

秀峯寺舊開先寺康熙中賜今名

弟一山斯在寺有米古南宮書欣然入秀峯谿聲經雨疾

嶺路半雲封宿莽新驅虎淡潭古蟄龍龍潭在寺後佛樓登

眺處寺有七佛樓 朱朱削金蓉

秀峯寺拜觀 聖祖御書心經

凡二本一冊書石刻拓本一楷字泥金書皆康熙

中 頽發

一卷雲霞滿開函拜 御書乾坤留 寶墨龍虎護精

廬藉壯名山色遙分 廣內儲寫經諸學士惶媿定何

如

秀峯寺望瀑布

誰从禹力不到處偷決銀河下雲路挂向峯頭千丈彊

咫聞軒詩艸 卷十

六

人閒機杼無此布香鑪之峯何崔嵬瀑布直瀉真奇哉
縣厓一綫破淡霏恰比黃河天上來一幅何季擲山半

空明絕勝澱江練清流滌盡古今塵澣洗廬山見眞面

無原一派常奔馳萬古都無暫涸時炎夏紛紛落霜雪

姓空隱隱轟霆雷晝夜龍梭不停織煙綃霰穀黯無色

一痕劃斷青山青九疊衝開白雲白我來讀罷廬山簪

漱玉亭肯一望勞壯觀天下孰得比黃山雲海浙江潮

王文成紀功碑歌用李義山韓碑韻

姚江王公天人姿筆力上薄獻與義功名文字俱卓絕
儒林傳中無等夷橫水桶岡次第了獅子斂迹避老罷
么麼螳賊那設犯馬首羅拜迎旌麾正惠之元乾綱弛
中原羣盜方相持賓鑄反後宸濠繼祿星畫見蚩尤旗
公將書生十數輩人輕無武陸與隨激厲忠義仁者勇
帳尚鸞鳳皆貅貔三十五日禽大憝所省軍旅費不訾
佞忝無端構媒孽謫言截截俾易辭遂令懋賞格不下
宣力四方空汝爲相公心銜更無理媚嫉無乃辱鼎司

咫聞軒詩艸

卷十

七

延壽湯功久不敘匡鼎說詩徒解頤妨功害能廊廟宰
嗟哉末俗何澆漓肅皇嗣統趣入覲敵鎭爲賦彤弓詩
爵曰大國伯新建前捕劇賊嘉周輝只今刻石存廬阜
銘功略等燕然碑空山宋募三百歲風雨往往吟蛟螭
我讀公書尊公道信公學問匪公公宋元呂來大儒幾
但講誠正忘平治聖門四科首惠行特如春日祭先脾
由也政事能治賦實次言語善說辭有文事者有武備
空談性理蚩溥熙如公庶不負所學迂儒十駕何能追

我讀此碑偉公績想見手足勞辭朕安得如公眞名世
受任封疆用弼丕不基

秀峯寺午餐

我爲廬山游暫入秀峯謁漱玉亭已荒李蘇祠其拜侍

李蘇二公祠祀
太白東坡二公

不賦廬山高閑邀寺僧話偶與論古今

喟焉感興廢此寺建南唐

南唐李中
主所建

滄桑閱朝代自

紹宗來衣鉢傳幾輩猶記宋尙書

故江西巡撫
商邱宋公榮

恩施徧

方外梵宇特經營規模極壯麗禪堂豔棗丹佛像飾珠

咫聞軒詩州

卷十

八

貝一時眾緇流竝叨大裘蓋至今老比丘零涕道遺愛
忽忽百餘季精廬漸朽壞棟梁盡斃斜金碧久毀敗誰
更念瞿曇慈悲發忼慨我聞一昕然未須稍芥蒂盈虛
理之常詎得無興替况聞佛氏言色相空四大如寢幻
泡景露電觀世界同處逆旅中區區何足計老僧數點
頭笑謔不能對殷勤起雷餐延客飽粗糲所畚飯後鐘
不惹閤黎怪那覓水梭花絕少穿籬菜豈徒去芍桃且
復除蔥薺數種列山肴一盤陳海帶不逢玉版師安識

禪說味地非杏花邨恰亦無酒賣笑我仲尼徒乃受菩
薩戒食已良歡然此食不爲泰山色滿歸塗泉聲瀉滂
沛

萬櫛寺

一櫛曾不見虛得萬櫛名出水石仍溼入風松有聲千

僧餘鏤在

寺有千僧鏤故時寺僧甚多今財三四人

十里聽鐘鳴

樓上銅鐘聲聞十里

大字蟠龍虎嵐光慶共迎

寺後鉅石四鐫閩人包其書龍虎嵐慶四大字字徑七尺

瞻雲寺

舊歸宗寺康熙中賜今名

尺聞軒詩州

卷十

九

蘭若何季建風流憶右軍

相傳王右軍施宅爲寺

法書傳快雪遺

宅有瞻雲稻景晨含潤

山門內有稻田百餘畝

蓮花午散芬

時池蓮盛

開

墨池存舊蹟懷古獨殷殷

寺有右軍墨池

王右軍墨池歌

聞道瞻雲寺本是右軍宅精舍今爲息士居盛門昔有
名家蹟晉代衣冠悉古邨一池流出當季墨一池無恙
水清漣洗墨遺轍尙宛然千古何人濡大筆惟將韻事
記青賢逸少才名空一代就論翰墨殊無對重鷺由來

有定評換鷺早已傳佳話膏腴季少盡公卿一郡何當
了此生王述區區奚足數天教成就誰書名案世能書
獨王氏豈徒有集誇元禮寶章佗日萃琳琅弟一端應
推內史青氈舊物總無存艸長池塘自作春翻憐墨水
無餘瀋只有青山是故人山僧那復知風雅漫與殷勤
道江左誰尋法帖學蘭亭空訪高賢過蓮社活水原頭
蓄滿池紛紛詞客幾畱題姓窗獨寫黃庭罷想見揮毫
得意時

忠聞軒詩艸

卷十

十

染須

買藥染白須白須黑如黍其如旬日閒星星仍復出固
知作僞勞一勞難永逸老醜誠可憎矯誣復何必豈果
知其白守黑全吾質上曰欺長官下曰媚側室染須雖
有方染髮終無術君看兩鬢霜對鏡應自失

春風樓再集紫霞道人白鹿洞歌字

世外何人白鹿騎洞門人去鹿何之風泉隱隱馮匡瀉
雲壑蒼蒼倚石窺傍屋千株盈綠樹入山五色秀青芝

相逢不上芙蓉宿一卷重庭空讀爲

獨對亭望五老峯

星霜閱歷幾寒溫不厭相看古貌存
天半穹隆誰伯仲
眼肯羅列盡兒孫
八公詎合偁同輩
四皓猶應是後昆
我欲趨承參弟子
部婁可許附吾門

隘口曉發

纔過隘口是歸宗
隔嶺遙聞梵宇鐘
暫把籃輿門外駐
逢人細問復生松
瞻雲寺舊有復生松久已無存

尺闌軒詩艸 卷十

十一

卓里 在虎爪崖下

五柳曾名館柴桑亦有邨
五柳館歸去來館柴桑邨俱在醉石谷中
斯人居
卓里此地卽桃原石古邀同醉
醉石在泉清喜夏溫

凡二在黃龍山北素心農夕侶得意話田園

田家樂

春日田家樂新耕雇趣忙
四圍秧水活十畝菜花香
鶯囀依依柳鳩鳴鬱鬱桑
豐年應有兆時雨復時暘
夏日田家樂清味最令辰
薰風同愜解暑雨詎容頻未

苦禾鉏午還欣麥潤農稻花香乍送計候報嘗新

爍日田家樂時當百穀成一鍾饒歲取四鬴奠民生酒

釀棉花稷餐炊柳絮稷

皆稻名俗謂稻之黏者曰稷

催租都不慮風

雨總無驚

冬日田家樂从容歲莫天桑麻閒其話蓬蓽任安眠休
息歡無事盈餘慶有季干茅乘屋亟播穀夏皇然

渡建昌江用樂天韻

廉纖細雨立隄苒柳丞楊綠滿船新漲初生江岸失

咫聞軒詩艸

卷十

十一

輕搖小艇到城邊

東林寺

遠公昔自樓煩至卓錫名山關初地龍泉精舍早有名
繙經臺南道場置夏名爰自桓江州西林之東東林寺
蓮社宏開澗土修十八高賢僧十二海田變易千餘季
禪院莊嚴秀未廢我昔計偕上京師客路怱怱馳蹇衛
幾回席帽過廬山偶入東林暫停騎無暇登臨作快游
那將風雪誇詩思頃來主洞得山居管領煙霞歷季歲

雁門市上訪遺聞，虎谿橋邊論往事。艸堂小築憶唐賢，
蘭若俶興滌晉世。神運之殿特有神，金像文殊亦見瑞。
只今舊迹半荒蕪，獨有青山更芴麗。山色偏逢雨後奇，
嵐光處處流新翠。林巒入用盡鮮明，橫嶺側峯皆畫意。
問古閉尋蘇白堂，無數雲煙落檐際。

虎谿三笑亭

軼事廬山記，爭傳三笑圖。洞曾馴白鹿，谿更守烏菟。
物亦通人意，閑難爲客踰。一亭閉訪古，佳話重浮屠。

咫聞軒詩艸

卷十

三

西林寺用東坡西林題壁韻

纔經微雨洗，諸峯朵朵金。蓉照眼同山色，晚甞無限好。
淺淡寫入夕易中。

琵琶亭

天涯一樣怨飄零，千古琵琶尙有亭。萬丈大裘渾未辦，
淚痕溼透一衫青。

不曾相識乍相逢，淒切無端感客官。何侶艸堂敲枕臥，
偶聞遺愛一聲鐘。

獨對亭晚眺

綵稔山中駐優游過歲華巖花明節序嶺樹隱人家石
帶煙霞氣泉煎雲霰茶茶名一經晨課罷吟眺足生涯

次韻甘小園明府紹烈重修宮保第落成遂居

入簾雙燕受風斜先構回思歲月賒作吏幾吟梁苑雪
歸田非羨武陵霞畱佗生意慵除艸乞得閒身學種花
莫嘆飄蓬過少壯白頭顛顛始還家

稍辨山資總 主恩即今叱馭謝王尊壁閒共讀新詩

咫聞軒詩艸 卷十 古

艸襟上長畱舊酒痕先世功名存柱史小園會祖莊謚公 國史有傳
後來姓字重靈昆謂次君仲 望禮部 況聞有硯還傳堦官樣文

章好細論謂令堦 曹若

一局招邀王積薪不夷不惠譚居身坐中頗喜多佳士

林下偏逢數故人釋靈徹詩相逢盡道休官好林下何 曾見一人余與小園禮庭養吾先後

告歸一時林 下遂有數人 邑里共傳門戶舊庭闈乍覺棟梁新浮生

供養知容易賞雨朝朝自買春

晝長乍起黑牯餘負亭看殘我黍與三徑祇宜頻置酒

一樓差委足臧書爲欣雁序遷今秩令弟繩菴新闈把遷九江教授
臆封話昔除絕勝漢明解官日夫耕良苦夏妻鉏

畱別白鹿洞諸生

十季蓬島列僊班暫領匡廬亦汗顏不學祇應慚絳帳
無詩彌覺負青山一樓雅喜春風遠萬卷同消夏日閒
幾向枕流橋上過設忘聖域與賢關

考亭舊迹此閒存規制當率費討論千古歸然尊鹿洞
四方學者叩龍門吟餘自得詩書趣僻絕全無市井叩

咫聞軒詩艸卷十

五

最是談經遺軌在好將義利究微言

賢守風流雅愛才振興端賴狄公來

嘉慶末諸生膏火不繼知南康府狄

公請于大府歲給鹽務公費銀千兩是時微公書院幾廢

藻芹多士从游盛桃李何

人著意栽經典卽今還散失

御書閣藏書已多殘闕

洞田疆半亦

汗萊

本洞有田三千四百餘畝分布南康府屬四縣有司莫爲清理逋負侵蝕廢弛日甚

護持總

藉當塗力願乞餘恩一輓回

久辯臯比媿寡聞何時尊酒更論文煙霞未許浮生老
山水差償夙願殷不覺蕉窗經四稔當从杏苑望諸君

懷人恰有難忘處松下清風嶺上雲

程姓峯侍郎爾采自江蘇逐撫廣東寄呈四首

旬宣幾度屢經綸開府欣看日戊新公兩授浙江布政使尋徙江蘇就遷

巡撫季少早膺天下望江南併作一家春公擢江蘇巡撫時公弟愒棠肯

輩巡撫安徽由來保障資奇略自是封圻倚重臣恰記文襄

遺愛遠莫教專美讓肯人吾鄉撫蘇者周文襄功名最盛蘇人至今誦思之

竭來海上苦烽煙萬里乘風慕昔賢誰遣昇平催羽

檄重勞將帥領戈船島夷尙假游魂在閭左咸爭效命

咫聞軒詩艸 卷十 六

先宥府舊經參至計公爲尙書郎入直軍機處定知幹濟足安邊

嶺表當年駐使車卽今旌旆捲龍蛇公肯爲廣東按察使今春復自江蘇

逐撫廣東春雲自攤中丞日細雨都開野館花桑梓歸來誇

衣錦葭苧晤對話宣麻唐制拜日度使宣麻親知不羨班馮寵親

見追鏃兩過家公爲廣東按察使及遷巡撫皆目便道予假過家上冢

楊柳風和驛路平福星一點照鄧程輓河此際初藏甲

緣海頻年久苦兵民力猶能冒白刃天心終自愛蒼

生創痍百縣勞綏輯填撫端應藉老成

夏日偶成

萬樹蒼松嶺上生，綠雲三徑景縱橫。
南薰盡日傳澎湃，不辨風聲與水聲。

暮蟬噪到夕，易低月下還聞絡緯嘯。
更有鳴鼃聲閣閣，宵來鼓吹滿肯谿。

感舊詩八首

故吏部左侍郎黃岡李公

鈞簡

憶昔嘉慶中公督江西學校，士集羣英我時財總角。拔

尺聞軒詩艸

卷十

七

我僮幼中薪，櫛采械樸，偁我元獻流。乘風薄宗慙，謂茲
席上珍，價重荆山璞。將借特殷勤，美玉力瑀琢。延譽公
卿，閉由此名卓。卓秩滿公還朝，恩寵承優渥。中間遭
艱虞，蹉跌嗟數數。謫居駐蓬萊，文采韜鴛鴦。我亦淪泥
塗，久霜婁刻剝。邇來薄有成，庶冠高嶽嶽。公已歸道山，
荒莊長負陸。那得復从容，再入談經幄。微名有自來，渠
設忘其朔。緬懷曷昔恩，曷禁淚簌簌。

故荆部尙書江寧秦公

承恩

秦公當弱冠已上蓬萊峯

公季二十成進士入翰林

敷歷徧中外南

北馳追鏖天性特好士采拔心無窮盈門種桃李入幕
依芙蓉公撫江西時我季甫成僮識韓苦無自李公爲
先容遂列門生籍愛與諸子同四簋食夏屋一堂坐春
風殷勤厚培植珍重淡陶鎔有時校文執小鉢親敲銅
去取手自定好句褻紗籠繒帛重賞賚筆硯皆精工我
每獲此賜踴躍慚瑀蟲自从公去後事逐浮雲空偶向
鈴轅過黯然念游鞿徒效羊曇哭報息傷無从

咫聞軒詩艸

卷十

六

故東選知縣上元梅公

沖

我季十四五始游夫子門夫子夙淹貫四部窮紛紜劉
臻侖漢聖鄭君號經神教人務根柢空疏非所欣學博
文爲富師嚴道自尊訓詁守古義譴誘常循循我在髫
鬢中請業依慈親趨庭受詩禮晨昏無異聞後來列門
下弁得與傳薪問字就揚子說經从大春三魚銜潑潑
五鹿折頻頻學業稍益進提命曾幾煩平生得力處設
或忘澗原哲人萎久矣墓艸離離新猶記尊酒閒歡然

其論文論文那復得念之淚霑巾

故陝甘總督尙書滿洲先公 先福

尙書官江西六稔作屏翰假日監諸軍春秋又六換直
政淪浹淡謳吟徧百縣公亦素愛才刮日向羣彥我受
秦公知三季辱教訓秦公旣內遷公更加殊眚文章斐
見褻每讀輒俯譔謂我非常才詞林操左券竹林別舍
居銅盤重肉飯勝地每从游芳晨常與宴惟公知我貧
鑽問時無閤會公復西遷天末音塵斷亾何遇迤邐歲

咫聞軒詩帥

卷十

九

晏罹憂患出塞蒙

賜環中途遽捐館嗟我感公恩望

公已不見流涕拜墓門空勞絮酒奠

故太子太保協辦大學士禮部尙書山陽汪文端
公 廷珍

公在翰林中名惠崇山斗督學臨江西泮林盛芹菲名
傳蠡澤新士印龍門久我時作諸生公特遇我厚稱我
爲奇才譽之不容口每試輒冠軍得士嘉薪樞嘗言大
江西人文此淵藪屈指後來英曰我爲僞首比我入詞

垣濫叨牛馬走公爲教習師季已六十九名高道益尊
文古齒竝壽 上方鄉用公公遽歸印綬騎箕謝世人
不復居端右有識共傷襄陶鑄况親受長憶卅季苒論
文一尊酒蹉跎何所成慚顏訝負負

故吏部右侍郎歷城毛公

式郁

昔公持使下江右司文衡南州有下士幽居未識荆少
小掇芹藻泮林薄有名爍風聽鳴鹿數舉與賓興原泉
涌萬斛墨水蜜三升惟公善鑑制得卷喜不勝爲言此

咫聞軒詩艸

卷十

三

佳士位置宜

承明一頭放我出名登千佛經春闈案

棄置萬里隔蓬瀛公言勿介介大器常晚成卒已伏櫪
驥還占出谷鶯公乃掀頰笑文章信有馮我歸田里後
公有江南行聞公病不起涕淚紛紛縱橫公爲江南學師使卒于官

門一回首悽惻難爲情可堪知己盡膠落傷農星

故太子太傅

體仁閣大學士漢軍蔣公

攸銘

公季末二十珥筆上玉堂四十受下戍開府領封疆六
十處鈞軸絲綸閣啟黃勤施宣鼎鼎餘事及文章白頭

主文棟藻鑑精且詳拔我眾人中嘉與過所望謂我學
淹貫非徒文字長醇茂兼賈董富麗追班揚龍門聲價
重雁塔姓名香顧此知遇恩銘心安設忘使相公再出
江南資保障青蠅點白玉無端生中傷 召還道病卒
人命嗟無常可憐賢宰相一旦遽云亾感泣徧遐邇況
乃廊門牆忽忽廿餘季念之空斷腸

故太子少保戶部尙書當塗黃勤敏公 賦

公當弱冠季時望已無匹奇才抑塞多幾致試官刷四

咫聞軒詩州

卷十

三

十始成名入林乃復密大興太傅公

謂大興朱文正公

薦剡趣

詣 闕東山起謝安特爲蒼生出遂登著作庭一歲衆

遷秩數稔至公卿幾康參密勿公亦甚愛才搜羅情獨

切一時諸賢豪大半蒙識拔我昔對 大廷公實定甲

乙策匪江都流讀叨楚望閱道卿能最高擢之置弟一

爲誇弟子應真合衙官屈自公 予告歸喟焉感離別

不得从公游旋更傷公卒長憶平生時光風與霽月

寄懷肯協辦大學士吏部尙書湯敦甫夫子

舉朝稱名卿無過湯夫子咸推弟一流當與潛菴比品

學醇粹論者
呂方湯文正

形宜磨閣圖士印龍門啟我得出公門人

心竊自喜公亦淡相知遇我呂國士相期作棟梁材是

豫章美曩季監春闈晨夕同坐起

癸巳會試公知
貢舉方蔚監試

聚首

且月餘清言聽娓娓話經守家法講學析名理細論數

及文縱言亦至禮時務偶敷陳一一與詳示成敗觀古

今利弊究終始後來我解官諫病歸田里公聞爲悵然

慰雷力勸止謂我彊仕季云胡遽致仕贈我呂百金眷

咫聞軒詩州

卷十

三

眷情無已我行達毘陵聞公拜協揆庶幾吾道行拚舞

歡奚侶青蠅營營來一旦罹讒毀時公季七旬縣車已

及齒頃之遂乞休不復趨朝市齡當齊喬佺隱不學園

綺嗟我違師門尺書空託鯉千里望迢迢人遠室非邇

回首十季荷春風隨杖履言盡意無窮何日報知己

寄懷大理少卿李彞韶夫子

鈞

吾愛李夫子聰明迥出羣英季官翰苑天閣早司文

國書兼國語綺歲喜蘭芬詞林連課最史館迭宣勤

一麾遂出守五馬遠班春
片言善折獄豈豸靖紛紜
判詞競傳誦鳳體與龍筋
久之晉觀察轉漕過天津
廉車歷二寧使刁臨三秦
夏執黔中法仍教臬事陳
還朝踐棘寺問夜趨楓宸
長才用未竟驥足屢無因
登僊果何異空復羨班君
清卿經案稔職事習平反
鰕生成進士桃李屬公門
蓬萊接位次輒迹益相親
鑾坡欣竝直宮漏許同聞
螭頭班近日雉尾扇遙雲
暇時輒相過箭燭話宵分
自公涖河洛迄我返田園
中閒踰十

咫聞軒詩州

卷十

三

稔不得奉清塵作書頻問訊
豈獨敘寒溫公今處京闕
韋杜結芳鄰時序催季矢
聲名老薦紳白頭舊弟子
北望意徒殷平生無限感
慙絕不堪論

送鹽道朱紹庭同季

成烈歸里

東晉平又題

白頭嬾復著朝衣
彈指春爍近古稀
報國爲欣諸老在
休官今見一人歸
從教骨肉長相聚
肯把脂膏久自肥
數稔章門滾結契
那禁臨別意依依

登朝最是理財難
鹽鐵何心戀一官
利到爍豪非易

析名如春寤已將闌休驚短髮還吹帽不負餘季亟挂
冠桑梓知君歸去好孤松叢鞠足盤桓

次韻同季黃架卿侍郎

琮

蜀游卅八首

龐靖侯墓

一軍誰與賦招魂孤豕西風萬古存豈有功名馳露布
都無消息報星垣鳳雛枉復生三國驥足奚堪問九原
太息臥龍空盡瘁躬耕何似老田園

張桓侯祠

咫聞軒詩冊

卷十

十四

霜落寒林葉半殷荒祠未暮暮煙環君臣契結艱難始
兄弟恩淡伯仲閒

蜀志關壯繆傳先主與二人寢則同
牀恩若兄弟張桓侯傳羽季長數歲

飛兄

事之上變驚聞都督表連營那見乘輿還萬人敵憶橫

矛日不數英雄力拔山

姜伯約故壘

蒼茫廢壘望危岑官驛停車感慨淡有膽竟難酬遠志
鞠躬惟自盡臣心猶存斷碣傳遺蹟漫憶荒鄧走捷音
不見將軍餘大樹祠堂遙映柏森森

老去休嗟筆墨荒一庭問難業徐商定知風月裏堪抱

邨道煙霞味特長講學不妨流啟宋從經何事偕同揚

漫誇弟子多公輔姓字隋書竟未詳

曩余年十四五時从市肆購得漢魏

叢書乃始得元經而讀之見其首日太熙元季春帝正月不覺失笑古者諸侯皆受正朔于天子春秋者魯史

之記也故其書法曰元季春王正月而左氏傳之曰元季春王周正月蓋元季者魯侯之元季而正月者周王

之正月也此乃魯史記事之體若周史記之則必曰元季春正月不言王正月矣曰元季固王之元季也今乃

曰太熙元季春帝正月曰正月為帝之正月而此太熙元季又誰之元季哉訓詁之不通而欲上擬聖經其佗

忠聞軒詩冊卷十

三

謬妄不一而足此不知何人偽作可怪也

劉肇仁故里

首建非常智計優獨先杜斷與房謀藏弓恨竟同文種

定策功原比鄧侯自古勳臣多怨望阿誰公第息交游

憐佗兩世咸罹法榮悴恩恩一局殊

陽諫議故里

八祀諳觀得失林延英一疏重于今總教龍比忠誠達

不礙韓歐責備漢槐市諸生勞伏闕棣華二弟憶同衾

還嗟吏事催科亟撫字何人更嗣音

楊文獻故宅

當季才子出西州對策彤廷忝狀頭欲輓三綱爭大禮
幾教一網盡清流侵旅寢寒吟榻月帶邊聲上戍樓
最是飄零宰相子烽煙六詔劇生愁
萬里滇池遠九閩白頭著作隔金門園林可惜時多暇
堂構翻憐世受恩粉黛閨中傷薄命丹鉛塞上感羈魂
紅羊劫後畱遺宅誰向空庭奠一尊

咫聞軒詩州

卷十

三

重游棲賢寺

重過精藍話舊因層巒何處不嶙峋六朝已後煙霞麗
五老當肯面目真自昔江山多勝蹟卽今風月兩閒人
時與肯陝西糧道方仲鴻同游劇憐病衲龍鍾甚辛苦煎茶出款賓
禪房千古記棲賢處士遺蹤久尙傳羞向山中箇宰相
豈來世外學神僊何妨因樹還爲屋特喜依巖便挹泉
惆悵書堂今在否偶尋舊蹟總茫然

重游秀峯寺

廬阜多名利由來首開先開先劔李氏中主嗣國奉鶴
鳴峯下路傑構徂雲閉紹宗始主此枯松煮瀑泉自是
至行瑛衣鉢十四傳招提益大盛游客來聯翩米老昔
覽勝大筆揮如椽至今石上字猶存弟一山我 朝恩
澤廣梵宇歡安禪 御題秀峯寺 賜額欽高縣心經
凡二本 宸翰輝中天夸燿徧道俗聲價增山川我上
讀書臺屐齒穿雲煙爲誦涪翁記還吟咏仲篇偶隨眾
四部同會齋八關摩挲七佛偈字跡清且妍峨峨紀功
勳聞軒詩冊 卷十

三

碑刻石侔燕然諸峯悉羅列一一明絲鬢飛流瀉峻嶺
晝夜鳴澗淩偉哉漱玉亭萬古傳奇觀

黃巖寺觀瀑布用張曲江湖口望廬山瀑布泉韻
斗絕黃巖境清泉滌俗氛長留千古雪橫截一山雲日
月空中浴雷霆夜靜聞峯巒資掩映皎皎復氤氳

重游萬樾寺

見說慶雲僧手種樾萬本法雨灑高原慈雲蔭層巘長
養歷春煠滋培無旦晚參天黛色流濃綠一山滿是時

天聖中宋惠被荒遠異人主名山戒行邀帝簡賜額改

舊題御書魚新扁

寺故慶雲菴宋景惠中僧大超手植樹萬本天聖中仁宗聞其戒行賜今

名竝賜御書

寶墨重精廬珠林森法苑迄今承千季古迹未

都泯有客特好游登臨竄睇眴撫景念肯聞談經按內
典龍虎摩石鐫麈麈徵土產青山姓亦奇白雲數舒卷
采藥地常靈煎茶泉可引是閑好煙霞令人薄軒冕山
林有盛衰廢敗勢不免手植一萬株何時生意盡一櫛
今無存萬松青入眼參禪禮金僊說法味玉版不見當

咫聞軒詩艸

卷十

三

手櫛飽餐今日筍

重游瞻雲寺

昔在王逸少卜築金輪峯作書偶洗墨池水清溶溶耶
舍自西來歡然姓名通捨宅居道侶精舍開歸宗名僧
十有六从此振宗風或云咸康季此寺已穹隆耶舍入
中國乃在義熙中逸少久捐館安得復相逢傳聞辭多
異傳會語易窮王氏琅邪人南渡因从龍膏腴冠朝籍
列宅傍紫宮高門重日下繁葉豪江東江州與會稽先

後宦迹同山陰有蘭亭醵詠時从容不聞遂置宅欣然
若將終可知此閑宅特託名流輓我來再游眺煙嵐歷
幾重水流明浩漾山色檀空濛小榻古松堂閒尋復生
松雲外一聲落悠然何處鐘

謁周元公墓

朱子濂谿先生行實葬江州蕙化縣清泉社今在
栗樹嶺下

分原洙泗水千古重濂谿道統遙相接儒林未許齊一

尺牘軒詩冊

卷十

五

官曾嶺北遺愛在江西墓道碑都泯何人石再題

距墓五里

許舊有墓道碑題曰濂谿周元公之墓道今廢

及門劉碧珊

庭輝

黃椒圃

昌蕃

招飲棲賢橋

卽二峽橋

之觀音閣漫成四絕句

小住廬山已十季煙雲供養亦肯緣捲簾飽看香鑪雪
領略終輸白樂天

一川怪石臥龍蛇曉夜銀濤滾雪花只有山家專水利
閑安小碓役雷車

在山水自然清招隱由來最有名七盤難从玉川飲
散將兩掖詡風生

小屋三間足讀書飛來嵐翠滿庭除不須更學巫臣語
乞取廬山一半居

棲賢橋觀音閣用東坡三峽橋韻

驟聞風雨聲側耳聽檐溜深林鳥雀驚幽壑蛟龍鬪
雷鳴地中姓雪照坐石千尋落洞門一綫穿巖竇翻風
搖星辰蕩木鷲暖狖鱗奇樹逾古骨立山盡瘦長流山

咫聞軒詩冊卷十

三

水音共誦笙鐘奏二勝特畱題三峽竝入殼

東坡詩曰開先漱玉

亭棲賢三峽橋爲廬山二勝

奇觀自古今險狀無昏晝沁心泉常甘

礪齒石可漱

南昌喜晤同季朱朵山給事

朵山一代才幹局任劇職利器無不立盤錯隨所值浮
沈郎署中需次歲頻易鎖廳擢狀元大名播通國改官
入翰林遂上承明直富貴所自有通顯在旦夕云胡
蓬萊僊乃有泥塗厄再起陟言曹自處已降格何圖黃

門郎未幾更遷謫

故事狀元不作御史朵山官修撰坐
肯在戶部失察書吏舞弊去位再召

主事起用遷員外郎擢御史
轉給事中復緣事鐫秩歸

天生朵山才將使建功績

入當為公卿出或作牧伯驥足騁長塗庶不嗟伏櫪生
之復棄之天意殊難測人高朵山才咸為朵山惜自我

還做廬音塵與君隔扁舟來南昌相遇章江側別君歷

有季一見歡何極形神喜未衰志意常自適一尊共劇

談豪曠仍如昔為言長安游勝會難再得雨散感故人

念之徒心惻今茲暫相逢光景休虛擲聚處不可常況

咫聞軒詩冊卷十

三

乃俱頭白欣然旬日間談笑攄匈臆舟子趣君行別離
期又迫良朋那可畱言歸一何亟君歸臥故園林泉好
休息豈可事敖游且復延賓客幽情敘一觴舊好招三
益相見定何時努力加餐食

次韻上官筱山教授

豫見贈余允亭教諭

飲歸塗遇雨之作

傳家舊物只青氈把風流擬昔賢樽酒相逢三月暮

科名同話卅年苒

予舉庚午鄉試允亭甲子
筱山戊辰皆踰四十季矣

多錢未許

追咏癖拜石惟應學米顛爲謝天公施化雨翻慚腹笥
不如邊

筱山次韻見寄再疊青韻酬之

老我山齋守一瓢又勞鶻詠集羣賢游輓幾度頻虛左
食坐重開夏盡青賸有煙霞攄素袞莫將霜雪感華顛
吟筇乍啟臨風誦啖蜜眞教話到邊

筱山報簡曰爲疊韻過多徒耗精神無裨實用請
止勿疊復次青韻答之

咫聞軒詩艸卷十

三

談經漫攤紫茸氈自媿清游異七賢無客幾曾盈坐上
有書差可讀窗苒偶過桌里懷元亮難向桑門索大顛
廬山素號多僧求一稍
通文字者竟不可得莫作溪溝高壘計好防旗鼓再
臨邊

筱山次韻見寄四疊青韻酬之

孤館寒無坐客甌設開蓮社辱高賢說經偶爾容書後
得道奚堪詡在青九秩君應追伏勝三柸我已謝張顛
如何臨老竈頻據輕將偏師屢犯邊

五疊肯韻簡筱山

憶昔楊花糝徑氎尋芳一路過棲賢與當積潦肩難進
屐爲看山齒去肯漱石底須俯鞠隱煮泉聊復效茶顛
北窗吟罷馮高臥長聽松濤落枕邊

次韻上官筱山教授苦雨

終宵臥聽水殺潺扇滿廬全屋數間南畝遙憐千頃沒
北窗漫說一身閒匄襄自寫來風曲面目都迷欲雨山
我侶淡明岑宋甚柴門雖設亦常關

咫聞軒詩冊

卷十

三

愁霖不止筱山復巨詩來再疊肯韻酬之

無端石溜起澗潺一片汪洋隴畝閒苦雨那容亭志喜
好風難託枕消閒馮看嶺半雲成海怕見湖邊浪侶山
老病未能遺世事羣生休戚總相關

三疊肯韻酬筱山

枕流橋畔水湲潺此地差殊濠濮閒巖壑特俯天下秀
林泉曾見幾人閒嬾尋古刹參龍樹時把微言味象山
老友詩城攻不破遙同百二峙秦關

四疊苜韻酬筱山

芹藻盈池漾碧潺欣逢廣廈闢干閒流連勝日三竿永
供養浮生一味閒何必險巇嗟世路好將箸述重名山
天機領取陶然處鳥語枝頭樂意關

筱山復日詩來五疊苜韻酬之

諸湖奔流響激潺又傳佳句翠微閒自憐結習真難遣
欲味新詩苦少閒

時方校課諸生息息趁暇

久雨祇應愁暴漲觀雲

漫擬入淡山

時百五老峯觀雲出賦命題

何時買酒旗亭坐靜聽雙

咫聞軒詩冊

卷十

三四

曩唱玉關

六疊苜韻酬筱山

君侶鄭虔爲學士我如潘岳在田閒書堪葉肄宥官冷
地可花栽樂賦閒夜好捲簾吟對月晝長敲枕臥看山
光陰老去彌珍重俗慮刪除了不關

次韻上官筱山教授七月五日喜雨

幾隲甘霖直到晡嘉禾于此判榮枯爍風屋破休吟杜
好雨亭成合記蘇旣足其歌今歲稔有餘還了舊時遠

園蔬領略田家味七月瓜兼八月壺

再次苜韻酬後山

洞門閉眺日忘晡不學蘭成樹賦枯多稼雲連謹鳥雀
遠山雨灑走樵蘇遙聞講席添吟興定識侯家免訟逋
又見天公開笑口宵來玉女更投壺

三疊苜韻酬後山

薄霽初開景已晡良苗渾不慮將枯有秋恰慰吾儕望
相慶如逢我后蘇田舍端應羨陶令山中漫復憶林逋
恐聞軒詩艸

卷十

三五

新涼一味欣同領賞雨春宜買玉壺

七月二十二日後山畱歛歸塗四疊苜韻奉寄

山居木石其朝晡恰笑臞儒貌槁枯隔隴千家收穰種

時方刈稻同堂五老醉屠蘇同席六人惟訓導甘公季少餘五人者皆季踰六十矣酒

軍已自安高壘文債何時貸宿逋卻記螭坳當直日幾

承 雨露拜宮壺

秋夜有懷族子蒞孫繼祖卻寄

艸元白髮老揚雄此夜懷人感客衷千里可知共明月

一樓誰與坐春風，
慘情緒如煠燕欲訊平安少，
便鴻回首睽違裁幾日，
離愁無限入詩筒。

獨對亭有懷荏孫

陳迹慵尋御史驄，
自憐衰病久成翁，
遙情每寄于煠上，
小景還參五老中，
欲睡非關陶令醉，
好談無奈許丞聳，
族子摺書从山齋，
宋慕門如水共語難忘是阿戎，
游素患重聽。

送余允亭教諭請老歸里

一官自免廣文度，
決計縣車已有季，
入世早偁天下士。

咫聞軒詩州卷十

三

還家爭睹地行僂，
芝蘭競秀添新課，
松蘓猶存話舊緣，
幾度論交欣聚首，
惱人徧是繞朝鞭。

春滿先生杖履中，
歸田底事太恩恩，
難忘泮水環多士，
轉惜廬山少此翁，
頓遣同人懷舊雨，
長从異地叩高風，
惟應努力加餐飯，
尙有齊眉案舉鴻。

寄呈湖廣總督程姓峯尙書

運會鍾名世，
經綸印大賢，
家聲休父遠，
慶澤潞公懸，
雙受封圻任，
奚慚下戍專，
七旬新賜壽，
一品久居邊，
綺

歲英才擅珂鄉令譽延芹宮纔秀擢桂窟已芳攀榜啟

爭參佛丹成早得僊無雙江夏彥十八洛陽季公季十

鄉恰羨花看徧還教葉射穿競誇公輔器幾上孝廉船

公舉庚申鄉試至綴組登郎署含香到御苜儀曹詳

職事宥府粲班聯公成進士觀政禮部入直軍機處案稔鸞箋染頰番

鳳綉宣樞庭盈後輩禁闈絕中涓出納襄承旨升除

付典銓身常趨省掖價重臺員赤棒威初肅黃門位

又遷公由尙書郎歷官御史給事中有哀知解馬無禮避鷹鷂絨每懷

尺間軒詩州卷十

絲素衣非藉繡妍能爲指佞州郡見耐彈棉隴右迎觀

察關西厯陌阡由給事中擢蘭州道古風嘉茂鞠荒俗輯先零極

塞馳飛檄祲氛集控弦時并裔張格兩作敵回疆竊據四城行師瞻仡仡

振旅聽闐闐客唱伊涼曲屯綬戍己田陳方斂鷲翟冠

已珥貂蟬事平召功賜花翎陳臬逯交廣循陔入里塵遷廣東按察使

賜假十日便道省親咏同皇是訓寬猛道相全公入上訓曰寬猛

相濟及當味而不同等語共讀龍筋判都消雀角愆口碑騰頌禱肺

石感哀憐兩度臨吳越羣黎返旆旃公兩任浙江布政使主恩

隆簡在民望正喁然迹愛蘇咏仲心希白樂天官隄思
柳種試院憶茶煎次弟藩條舉从容夙獎湔循良遜長
吏撫字采遺編 北關遙頒敕西湖再扣舷簿書多暇

豫光景偶流連放鶴論孤嶼騎驢想一鞭游鞵靈隱展
別路會稽錢忽睹鯨波涌堪嗟蜃氣纏嶺南罹水火江

左亦燻煙 帝塵宵衣切臣榮書錦旋慈雲桑梓蔭卿

月豫章圖 島夷不靖 上授公江蘇布政使署理 巡撫尋授江蘇巡撫兼署兩江總督 好奠

嗷嗷雁休驚跼跼鵲眾謀將出走獨斲獲高眼 時城中 謹傳賊

咫聞軒詩冊 卷十 三

至皆謀逃避居民一夕數驚 公誅其爲首一人敵始定 硯鑄平生鐵刀殊一割鉛

何煩憂擾攘詎設畏速適利借盤根顯貞踰勁艸堅精

神彌奮發文義笑拘牽惠昭明炎嶠 宸衷念海浴過

家祠祖豕乘驛策華鞵 迓撫廣東馳驛之官仍日便 道過家上豕得兼署總督 勤

敏仍如昨康疆不減先操持恒凜凜措置最拳拳漸遺

創痍復咸欣疾苦痊膏殘郇伯雨嘗罷隱之泉清晏蓬

壺朗恬熙蔀屋優此邦饒寶玉予志遠勝羶合浦珠當

返端谿石漫鐫荔枝譜忠惠蓄莒惜文淵秬稻輸芬苾

棗盛佐吉蠲催科周井邑轉漕達幽燕從漕運總督我庾歌

惟蕙斯倉賦乃千麀耳積秩秩鷁首履平平丁力繫疲

甚夫庸悉定焉所期舟竝進渠官費輕捐乞取桃花漲

搖來析木躔蒲颺颺迤邐蘭槩盪蹁躑阿弟提荆陟難

兄督運虔疊邀楓陛接歡詠棣華篇公督漕入都適公弟霽亭先生

由湖北鹽道遷按察使入覲同日召見時論曰為榮國匪當時詔池猶昔日滇

即今推鉅鎮特命駕中佃後撫雲南就遷雲貴總督僻壤人俱樸

層巒地本偏股肱純黍稷手足習眠辭夷詐姦潛逞苗

咫聞軒詩州卷十三九

頑惡罔悛底馮干式舞遂息鼓之填總制原經武巖疆

況假權要須肄饒鐸豈可廢戈鋌技擊巖蒐閱兵機互

究研戎韜閑虎豹忠悃諒縱紵稔戢離梁部襜帷駐漢

川饌餐雲癘豈閒摘澧沅荃巡督兩湖五管誰滋蔓諸軍盡

執眷鄒封防竄逸大燾建聯翩時廣西有警公出駐衡州幕下增懸

劇行閑倍惕乾勞忘陶侃甕懶薄李程博江渚團臍蟹

樊谿縮項鰻雁回衡浦近魚食武昌鮮叔子荆湘戴馮

君魯衛傳一庭揚盛美三楚話因緣漢書馮奉世傳大馮君小馮君兄弟

接踵相因循政如魯衛惠化均公弟靈亭先生
生歷官湖北湖南按察使公復持節兩湖 惠瀟重湖

普臻宜百福駢 龍光欽寵錫賜酌藹賓筵哲嗣材爲

餘韶齡筆侶椽妙辭寫黃絹舊物守青氈

次君幼峯弟已酉優貢

祿應偁首吾儕孰比肩助猷儷韓范風采擬喬佺東海

籌加益南山祝弗騫金湯資鎖鑰玉燭燮孩坳行馬長

茲列安車未許縣佇膺鈞軸寄萬彙何陶甄

山中

六月渾忘節序更幾叢櫨竹景幽清崇朝候變春煠夏

咫聞軒詩冊

卷十

罕

一嶺天分舍雨姓夜冷尙嫌棉被薄晝涼無藉葛衣輕

此閒詎有煙霞客祇爲溪山好避兵

時曰兵敵避入山者甚眾

憂敵

痛哭不能已蒿目傷時艱粵西敵始起治之本不難安

撫太無算養癰自生患

廣西之敵由于巡撫鄭祖琛之諱盜賊已就獲縱弗問賊益招

徒眾造器械天下之敵自是始矣 談談不早滅氛遂成燎原涓涓不早

絕禍且慙滔天上勞 宵旰慮 命將統師于大軍圍

永安小邑特彈丸攻之久不克師老財亦殫桂林旋戒

巖矢石罄行閉名城多夥數井里半凋殘但見調兵出
邗聞振旅還時無狄武襄誰奪昆侖關

相公負時名自許蓋姚宋不願作鷹鷂常欲爲鸞鳳素
葉至公卿受恩最深重一朝出統師勁旅多隨從柵

外一付公親勞推轂送糜餉千萬餘攤兵十萬眾未

戰已先逃奔潰徧巖洞豈有武侯才指揮誰禽縱豈有

岳家軍如山撼不動養士二百季不聞一謀中養兵二

百季不獲一卒用大廈何旨支端須得梁棟粵西賊起朝廷命

咫聞軒詩州卷十

望

大學士賽尙阿統十萬之眾討賊于永安州大軍圍永安七閱月不能拔賊潰圍出殺總兵官旨下數人土卒外傷無算賊氛始大遂殘破州縣出窺湖湘矣

桂林巖旣解遂窺長沙城未幾破武昌尋又陷金陵金

陵帝王都自古號南京如何不旋趨覆敗乃頻仍咸豐壬子

七月賊窺湖南圍長沙數月不克去入湖北圍武昌朝廷命兩廣總督徐廣緝統兵往援逗留不進十二月

武昌陷賊遂順流東下癸丑正月連陷九江安慶直犯金陵兩江總督陸建瀛不能守未半月金陵陷東南之

禍始緣江千餘里所在無堅營長吏棄城走百姓外于

正矣兵膏血漬野州枕藉相縱橫可憐諸鎮將白面皆書生

策非徐元直詭克保衡荆謂徐廣緒才非陸伯言江左能無

傾謂陸建瀛知小而謀大禍敵何由平多難今孔棘誰與請

長纓謂陸建瀛回人長纓謂陸建瀛回人長纓謂陸建瀛

江南既淪沒江西亦動搖九江及南康失之不崇朝南

昌大驚恐人民遠遁逃環城好屋廬下令縱火燒長圍

合城下朦朧泊江皋白骨棄原野血流杵欲漂戰塵黃

塞霰江水紅生濤寇兵復四出旁掠瑞與饒哀哉兩郡

民塗炭生無跡南昌守甚固百日安全叨癸丑五月賊犯江西圍南

咫聞軒詩州卷十

四

昌巡撫侍郎張芾固守九十餘日不下賊不得志引退是役也雖未能破賊然卒全南昌百姓得免于鑿鑄者

張公力也士匪能摧勇官無虎豹韜印藉神靈祐昌敘諸將

勞南昌解嚴時皆百為得神助云

盜賊日益多東南半壞矣豈期數季閒時事一至此

主上大聖明昧且勤求理不圖承平時遽睹薰煙起頗

牧果何人長城誰可倚度支況又空饋饟更無恃我生

苦不辰憂憤亦徒尔少壯忝科名彈冠曾入仕七稔備

詞林五稔官御史自从通籍來食祿將一紀君恩良

難酬臣節竊自矢區區何所堪痛哭不能已

忍聞軒詩冊

卷十

聖

忍聞軒詩冊卷十



右咫聞軒詩艸十卷

家君手自編定自癸亥至癸丑

五十季之作各以歲月先後次之平生事迹略見于斯
癸丑春刻于章門會值兵燹輟役甲寅夏復授劄刷至
炆工竣未及印行遭敵版燬自臧書及手錄各種詩文
雜著艸彙悉付焚如無一存者壬戌春从同人蒐葺散
亾裒記憶所得編爲是本蓋視苜刻什亾一二矣其夏
重刻于家 家君論詩不專一家顧特喜長慶集亦其
性之所近也卷中五七古多近香山亦有才氣縱橫與

咫聞軒詩艸

卷十

四四

東坡相侶者孰于史事詠古之作尤擅勝場讀書旣多
所謂萬斛原泉隨地涌出其詞悁博雅非空疏不學者
所設望已名重一時咫聞與紫雲皆子文之借音也
南人讀咫爲子北人讀子爲咫方音之異猶之南人讀
是爲事北人讀事爲是南人讀帥爲率北人讀率爲帥
尔旣戴事因識數語簡末云同治元季歲在壬戌炆七
月旣生霸

男汝愨之憲孫大侄

謹識

咫聞軒詩艸

補刻

重游泮宮漫成

嘉慶八季癸亥予季十四受知于學使侍郎李小松夫子擢弟一入縣學夫子曰神僮遇之評試卷云是晏同叔一流人今六十季矣追游舊游歷歷在目漫成四律以視同人時同治二季癸亥也

六十季肯十四齡一門詩禮自傳經予七歲從先大夫學石麀雅

咫聞軒詩艸

補刻

一

擅聰明譽金馬叨登著作庭去日苦多譬朝露同季絕少等晨星予季十四補邑諸生二十一舉于鄉同季諸公今魁有存者暇中細數平

生事春寢堪尋恰已醒

屬辭高古迥無倫丙戌 殿試黃左田師讀卷見予對策呂為古茂淵懿近日未有儼弟一

都下盛稱之進 呈一時識拔重驚代得磨始補諸生小松師集杜句見贈云喚人看駿裏

驚代得麟磨共作董生三策讀終慙同叔一流人七季東觀

書頻校五稔南臺事數陳濫忝文衡真負負疏庸衣鉢

媿傳薪戊子典山東鄉試

解組歸來二紀餘予自戊戌歸田今二十六季矣嬾將陳迹話蓬壺早

游泮水多同學晚入廬山一老儒歸田後主白鹿洞十四季甲子已

周成底事庚申不守是吾徒霜豪雪刺皚皚滿豈稱者

英寫作圖

滿地戈鋌盡戰場將軍真欲乞汾陽玉川破屋今都美

予居宅被焚金谷名園半已荒大家園池疆半荒廢如此風塵猶擾擾

可堪江水自泱泱何時釋奠成功告兵氣同瞻日月光

咫聞軒詩冊

補刻

